



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De Sophia Abbatissa, cui tenuis ceruisia versa est in vinu[m], cap. 16.

urn:nbn:de:hbz:466:1-13177

significasset, cùm ille ex diuerso ipsos indignantes pugnasset, quòd cardius solito eam pulsasset. Nimirum in decoctione illam hora sibi plurimum præteriisse crediderat, quia diuinæ cooperationis inæstimabile dispensationem non plenè sentiebat. De obedientia vero subjugam miraculum iam dicto excellentius.

CAPVT XV.

*De obe-
dientia.*

IN præfata domo Conuersi pisa messuerant, quæ dum ad siccañum sparsa iacerent in agro, venirent iidem Conuersi ad Priorem, dicentes: Nisi totus conuentus ocyus exeat, nec non & infirmi, pisaque vertant, tota peribunt: timebant enim pluiam imminentem. Et præcepit Prior omnibus, qui ire possent, ut se præpararent. Mox ex infirmitario Conuersorum frater quidam simplex exiens, ex multo feruore obedientiæ, ante omnes festinabat. Et cùm agro, in quo pisa iacebant, propinquasset, illa miru in modum in oculis eius per diuersa loca se vertebat. Quod ubi vidit, gratias agens Deo rediit: cui Prior occurrens ait: Cur reuerteris frater: Respondit ille; Domine, non est necesse ut procedatis, quia pisa totaliter versa sunt. Quis, inquit, vertit illa? Respondente humiliter Conuerso; Ille, qui bene facere potuit. Prior ut ita esse comperit, non absque multa admiratione cum conuentu reuersus est. A P O L L O N I V S: Iam nō ambigo, quin magna sit virtus obedientiæ, quæ tanto miraculo remuneratur. CÆSARIVS: Sicut Deus obedientiam in subjectis, ita zelum disciplinæ diligit in prælatis.

CAPVT XVI.

*De zelo
discipli-
nae.*

IN Houene, domo sanctimonialium ordinis nostri, quæ Abbati nostro commissa est, anno præterito quædam Abbatissa defuncta est, nomine Sophia: hæc tam feruens & ita rigida fuit circa disciplinam, ut sorores sëpe turbatæ, quod erat virtutis, vitium judicarent. Huic aliquando tenuis cervisia est in vinum conuersa. Quam etiam angelus Domini quadam nocte, cùm de matutinis exiret, cum lucerna antecedebat: Hæc duo miracula in extremitate.

tremis confessa est Abbati nostro domino Henrico. Hic cùm canonicus esset in Ecclesia Bonnensi, & ipsa sanctorialis in Ditzkirgen, quæ est domus nigri ordinis, Deo inspirante, illi relictis omnibus, confessionis gratia ad domum nostram venit, & ipsa pro eius perseverantia, quanto intentius potuit, Domino supplicauit: paucis diebus elapsis, cùm à fratribus suis carnalibus vi fuisse eductus ante habitus susceptionem, ipsa desperans dimisit orationem. Quam ipse mox in somnis ob hoc arguens, & vt omittas orationes reinciperet admonens, adjecit: Primā Missam meam audies in ordine Cisterciensi. Quod ita Dei nuntiū factum est. Nam ipse ad nos rediit, & ipsa habitum mutauit, sive in monte sanctæ Walburgis, ubi tunc temporis Priorissa fuit, primam eius Missam audiuit. A POLLONIVS: Non miror, si Deus huic religiosæ feminæ prædicti potus mutauit saporem, cù mihi nouitio, ut de perfectis taceam, amara quæque conuerterit in dulcorem. Melioris siquidem saporis nunc mihi videntur nostra incondita pulmentaria, quam ante conuersionem fercula carnium delicatissima. CÆSARIVS: Farinula Elizei, id est gratia Christi, fecit hoc. Iordanus vero monachus de Hemmerode aliquibus annis, quod magis fuit miraculosum, studio abstinentiae ab omni potu abstinuit, tempore tamen mæssonis, siue in multo caumate, cum reliquis laborans. Ut ad prædicta redeamus, sicut Deus bonis, & amara quæque cum gratiarum actione gustatibus, conuertit in dulcedinem, ita aliquando ingratis dulcia in amaritudinem.

4. Reg. 4

CAPUT XVII.

Dum post confirmationem Ottonis in regno *De ingratitudine*, tanta esset abundantia annonæ, ut in Episcopatu Colonensi malorum quinque vel sex denarii multo tempore venderetur, contigit in quadam eiusdem diœcesis villa, cuius nomen excidit, miraculum dignum memoria. Pistrix quedam panes ad coquendum formauerat; & quia tempore abundantie putores modicum lucrantur, illa commota clamauit ad

Qq 2

puc